

重校
刊訂

淨土十勝論卷第一



淨土十勝箋節論卷上
三學無分勝

卷第一章目
初紙

淨土十勝箋節論卷上
三學無分勝

卷第一章目
初紙

校訂重刊

淨土十勝論卷上

章目

三學無分教

淨土十勝箋節論卷上

淨土十勝箋節論卷上

乾上

菩薩大衆戒比丘澄圓撰

南無阿彌陀佛 安置六字義兼多途

三學無分勝 第一

夫尸羅木又絕生死之愛河，堅牢之船筏也。深禪高慧，照無明之長夜，熾然之燈炬也。然則若三學不全，二死難免者哉。又設雖行三學，若不具硬鯁鯁地之猛威，更不可斷煩惑，亦不備壁立千仞之高德，不可除癡迷矣。古云：夫經律論三藏之文傳于中國者，五千餘卷，其所詮者何也？戒定慧而已。修戒定慧而求

校訂重刊

淨土十勝箋節論卷上

一

刹境旧
作教界
今依古

旧脱如
字今依
經及古
補入

者何也。圓覺而已。原夫出過生死，證得菩提之道，有難行有易行。有自力，有他力。從其自力，難行之道，通入涅槃之城。之輩必修三學，以為資糧。從其他力，易行之路，往詣淨刹之境。之輩定用十念，以為生業。若言三學具足，而不成佛。十念成就，而不往生者，無有是處也。但養一念之糧，而適十萬之寶利，甚易矣。積萬行之資，而登二轉之高臺，大難矣。行者省察焉。先言不三學周備，不可成佛者，首楞嚴經曰：是故阿難，若不斷淫，修禪定者，如蒸砂石，欲其成飯。經百千劫，祇名熱砂。何以故此非飯本。砂石成故，汝以淫身求

旧脱等
字今依
經加

旧脱到
今依古
加

佛妙果。縱得妙悟，皆是淫根。根本成淫，輪轉三途，必不能出。上已又華嚴經云：戒是無上菩提。本遺教經云：汝等比丘，於我滅後，當尊重珍敬，波羅提木叉。如聞遇明，貪人得寶，當知此則是汝等。大師若我住世，無異此也。至乃戒是正順解脫之本。故名波羅提木叉。依因此戒，得生諸禪定及滅苦智慧。是故比丘當持淨戒，勿令毀缺。若人能持淨戒，是則能有善法。若無淨戒，諸善功德皆不得生。是以當知戒為第一安穩功德之所住處。至汝等比丘，若攝心者，心則在定。故能知世間生滅法相，是故汝等當當精進修習，諸定若

校訂重刊

淨土十勝箋節論卷上

二

披旧作
被今依
敬儀

云下古
及疏有
梵本云

三字

正定正慧自然而立故經云依因此戒得生後二無
此戒諸善不生云行宗記受之云三學次第理數必
然非越常模去道全遠煩即昏濁惑謂亂動三毒結
使劫掠善財喻之如賊三行相因謂次第而生斯須
攝濟謂不可相離次科初反顯者此明無戒則不生
定慧比又南山律德歸敬儀云揖佩三身憑依三學
又云元立三學同傾一惑為宗云又云所行三慧是
菩薩道披弘誓鎧策精進馬執忍辱弓放智慧箭殺
煩惱賊直心深心決定正趣無上第一平等正道云
大日經疏第一云阿羅訶者阿羅是煩惱訶是害義

旧二作
三為作
厚鋼鉀
作剛甲
並皆誤
今依論
改

除義釋論謂之殺賊佛以忍進鎧甲乘持戒之馬定
弓慧箭外破魔王軍內滅煩惱賊比亦云行人雖學
般若波羅蜜若無禪定猶如盲者雖遇日光無所能
為比亦同疏第五云若真言行人不曉如是淨戒則
雖口誦真言身持密印心住本尊三昧具修次第儀
式供養諸尊猶名造作諸法未離我人之網云何得
名菩提薩埵耶比大日經六云唯慧害無明自性離
言說大論第二云佛以忍為鎧精進為鋼鉀持戒為
大馬禪定為良弓智慧為好箭外破魔王軍內滅煩
惱賊是名阿羅訶比祕鍵云無邊生死何能斷唯有

校訂重刊

淨土十勝論卷上

四

禪那正思惟上。大日經疏五云。以三世無礙智。調伏之牙。噬諸煩惱。竟下。又大日經七云。其光普明。淨能破無明。害大日經疏二十云。淨菩提心。平等慧。利刃斷無始無明根。即入菩提正位。故大方等大集經云。不胸菩薩白。佛言。世尊。菩薩摩訶薩。巧能於戒聞慧等無所障礙。修習慈悲。猶如虛空。慧眼無量。猶如帝釋心得自在。如自在天。正法化世。如轉輪王。聚大福德。如須彌山。於善無厭。聚眾珍寶。猶如大海。思惟十二因緣深義。亦復如是。無所畏懼。如師子王。具善法財。猶如寶主。一切依止。如大醫王。能作光明。猶如庭燈。

實同作
賣非今
依經

涼同作
淨誤今
依經

旧脫復
字今依
集如

破闇如日。清涼如月。煩惱不汗。猶如蓮華。具足一切諸佛妙法。猶如滿月。上上若上如上不胸菩薩言者。鵝鴨游浪平。若反是者。雉雞溺水。平第二祖。綽公禪師云。又復一切眾生。都不自量。若據大乘真如實相第一義。空曾未措心。若論小乘修入。見諦修道。乃至那含羅漢。斷五下除五上。無問道俗。未有其分。縱有人天果報。皆為五戒十善。能招此報。然持得者。甚希。若論起惡造罪。何異暴風駛雨。是以諸佛大慈。勸歸淨土上。已匪啻教內聖道。不修三學。弗離二死。教外別傳。授受亦非戒定。不得透徹。而已請問。曰。且六祖壇經上云。

校訂重刊

淨土十勝論卷一

五

示眾云
一作言
之一字
今依壇
經改
旧脫是
定今加

不等上
旧脫定
慧二字
今補入
我法旧
作法我
誤
知識已
下十二
行二字
旧所出

之文類
有顛倒
誤字今
依現行
本增經
補訂

三為時眾說定慧門師示眾云善知識我此法門以
定慧為本大眾勿迷言定慧別定慧一體不是二定
是慧體慧是定用即慧之時定在慧即定之時慧在
定若識此義即是定慧等學諸學道人莫言先定發
慧先慧發定各別作此見者法有二相口說善語心
中不善空有定慧定慧不等若心口俱善內外一種
定慧即等自悟修行不在於諍若諍先後即同迷人
不斷勝負却增我法不離四相善知識定慧猶如何
等猶如燈光有燈即光無燈即暗燈是光之體光是
燈之用名雖有二體本同一此定慧法亦復如是又

云善知識一行三昧者於一切處行住坐卧常行一
直心是也如淨名經云直心是道場直心是淨土莫
心行諂曲口但說直口說一行三昧不行直心但行
直心於一切法勿有執著迷人著法相執一行三昧
直言坐不動妄不起心即是一行三昧作此解者即
同無情却是障道因緣善知識道須通流何以却滯
心不住法道即通流心若住法名為自縛若言坐不
動是只如舍利弗宴坐林中却被維摩詰呵善知識
又有人教坐看心觀靜不動不起從此置功迷人不
會便執成顛如此者眾如是相教故知大錯又同下

校訂重刊

淨土十勝箋節論卷上

六

本上旧
脫法字

云世人盡言南能北秀未。知事由。且秀大師在荆南
當陽縣。玉泉寺住。能大師在韶州。城東四十五里曹
溪山住。法本一宗人。有南北何名頓漸法。即一種見
有遲疾法。無頓漸人。有利鈍故名頓漸。秀聞能師說
法。徑疾直指性。遂命門人志誠曰。汝聰明多智。可與
吾到曹溪山禮拜。但坐聽法。莫言吾使汝來。汝若聽
得盡心。記取。却來。訖。吾看彼所見。誰遲誰疾。火急早
來。勿令吾怪。志誠稟命。至曹溪。隨眾參請。不言來處。
時祖師告眾曰。今有盜法之人。潛在此會。志誠即出
禮拜云。乃弟子在秀大師處學道九年。不得契悟。今

旧脫稟
命等四
十四字
今補入

不是下
旧有說
了不是
四字行
文
莫旧作
不今改

聞和尚一說。忽然悟解。便契本心。和尚大慈。弟子生
死事大。又恐輪迴。願當教示。師曰。汝從玉泉寺來。應
是細作對曰。不是。師曰。何得不是。對曰。未說。即是說
了。不是。師曰。煩惱菩提亦復如是。師問。志誠曰。吾聞
汝禪師教示。學人唯傳戒定慧。未審汝師說戒定慧
行相如何。與吾說看。志誠曰。秀和尚說。諸惡莫作。名
為戒。諸善奉行。名為慧。自淨其意。名為定。此是戒定
慧。彼說如此。未審和尚所見如何。願為解說。師曰。秀
和尚所見實不可思議。吾所見戒定慧。又別。志誠啓
和尚戒定慧。只合一種。如何。復別。師曰。汝師戒定慧

校訂重刊

淨土十勝論卷一

七

旧脱既
日二字
今依錄
加

十旧作
七非

接大乘人吾戒定慧接最上乘人悟解不同見有遲疾汝聽吾說與彼同否吾所說法不離自性離體說法名為相說自性常迷須知一切萬法皆從自性起用是真戒定慧等法常見自性自心即是自性等佛吾心地無非自性戒心地無癡自性慧心地無亂自性定汝師戒定慧勸小根智人吾戒定慧勸大根智人等又景德傳燈第十云京兆興善寺惟寬禪師者衢州信安人也至元和四年憲宗詔至闕下白居易嘗詣師問曰既曰禪師何以說法師曰無上菩提者被於身為律說於口為法行於心為禪應用者三其

湖旧作
河今依
錄改
旧脱律
字今依
錄加

致一也譬如江湖淮漢在處立名名雖不一水性無二律即是法法不離禪云何於中妄起分別又問既無分別何以修心師云心本無損傷云何要修理無論垢與淨一切勿起念又問垢即不可念淨無念可乎師曰如人眼睛上一物不可住金屑雖珍寶在眼亦為病又問無修無念又何異凡夫耶師曰凡夫無明二乘執著離此二病是曰真修真修者不得勤不得忘勤即近執著忘即落無明此為心要云爾上同第五云韶州法海禪師者曲江人也初見六祖問曰即心即佛願垂指喻祖曰前念不生即心後念不滅

校訂重刊

淨土十勝論卷一

八

即佛成一切相，即心離一切相，即佛吾若具說窮劫不盡聽吾偈曰：即心名慧，即佛乃定。定慧等持，意中清淨，悟此法門，由汝習性，用本無生。雙修是正法海，信受以偈讚曰：即心元是佛，不悟而自屈。我知定慧因雙修，離諸物。壇經云：門人法海者，即禪師是也。又云：吉州志誠禪師者，吉州大和人也。到師曰：未審大師以何法誨人。祖曰：吾若言有法與人，即為誑汝。但且隨方解縛，假名三昧。聽吾偈曰：一切無心，自性戒。一切無礙，自性慧。不增不退，自金剛。身去身來，本三昧。已又永明智覺禪師，萬善同歸集第二云：問曰：首楞嚴經云：持犯

旧脱他犯二字
防非因防四字
今皆依集訂加

旧脱又字今加

境牽旧作牽境
倒誤逃旧作非誤

但束身非身，無所束。法句經云：戒性如虛空，持者為迷倒。何苦堅執事相，局念拘身，奚不放曠縱橫。虛懷履道，答此破執情。非祛戒德，若見自持他犯，起譏毀心，戒為防非，因防增過，如斯之類，實為迷倒。至不著持犯，二邊是真持戒。大般若經云：持戒比丘，不昇天堂，破戒比丘，不墮地獄。何以故？法界中無持犯，故此亦破著了。諸法空，事理雙持，身心俱淨。又若論縱橫自在，唯佛一人持淨戒，其餘皆名破戒者。帶習尚被境牽，現行豈逃緣縛。三業難護，放逸根深。猶醉象無鈎，癡猿得樹，奔波乍擁，生鳥被籠。若無定水，戒香慧

校訂重刊

淨土十勝箋節論卷上

九

旧脱也
字今依
古加

炬無由照寂。至乃如今末代宗門中學大來人多輕戒律。稱是執持小行。失於戒急。所以大涅槃經佛臨涅槃時扶律談常。則乘戒俱急。又真歇清了禪師曰。一等刻核之徒。學口頭禪。售賣簧巧。其舌惑人。謂酒肉不礙菩提。色慾無妨般若。撥無因果。一盲引眾。盲豈不反貽學道君子之重害也。至壽禪師依藏教錄出數條。謂不戒殺生。斷菩提種。不戒食肉。斷慈悲種。不戒色欲。斷清淨種。不戒飲酒。斷智慧種。斯明條也。豈虛哉。夏能戒得貪瞋二事。端謹一如。已夫。按六燈文言。明禪者行相。或有持二五六八之大戒。以夙

夜工夫。或有守十具小律。以四時坐禪。此等皆修勤戒定慧業之相而已。抑宗門授受三學。雖大異教內所談。猶未出三學間內。宗說俱通之人。漆指於此而知之矣。然世多有啞羊荒僧。而訶曰。直指人心。手段不言。戒定教外別傳。宗旨不言。深慧拋上。乘尸羅明珠。不有不空心印。此是禪門。蝙蝠亦即佛心。蠱毒不可不慎焉。嗚呼。左言十萬八千。右言十萬八千。只以悟以為訣矣。夫意在世正法之古昔者。雖有大悟透徹禪者。亦有直達法界。教人尚是理深解微。故未免難解難入之失。於當今末法之代者。一切眾生夏

校訂重刊

淨土十勝論卷一

十

無有行慧證理有間依學唯是信種而已矣若不具足無漏之三學芥城竭而還滿劫石磷而復生更不可有離三安之惑障得二轉之期者也問曰視聽從上所談之文理卽悲喜交流紅淚數行也言其喜怡者運三學之妙行絕二死之愛河也言厥悲恨者五蓋易覆三學難行也夫三畏途火坑在足下一命葉落地隨在必矣恐懼且千悻怖萬端也宛如摩龍鬚履虎尾亦似臨深淵踏薄冰也爲之奈何爲之奈何情以世是第三末法之時分處迺第三離車之邊域也時曼澆季五濁亂漫人爲魯鈍十惡恣作三毒之

也旧作
軟今依
古改

意馬奔馳八荒故不得利那三昧七支之疲猿移轉萬境故弗張一品尸羅若爾者緣胡得出二十五有縲紲之中而坐三藐三菩提道場之座哉伏乞今正授解脫之要道以絕愛河之根源焉答曰快問此事出離生死之良緣往到彼岸之開津無加斯温夫三學式內斷證之外亦別有一路格外之行門其緯離六合之內厥談出耳目之表所以難輒信知之也鱗蝨斤鷄弗見金翅巨鵬之翼輾轉蝦蟇不知難跋沙竭之鱗之謂者哉若提式內之情量而測格外之玄旨者百非非非千是非是非之談足斷而止詳勘

古加
師今依
古加
師今依
之量乎亡而住也然則直開乎師曠伶倫之聰耳以
諦聽之正借仲尼顏淵之慤心以善思之今正與堅
牢之法船以絕八苦之愛瀾夫吾彌陀如去法藏索
多之古住極愛一子地被催平等無偏之大慈大悲
普為攝益三學分外之一切眾生巧發起十念往生
之別願所謂其殊勝本願文云設我得佛十方眾生
至心信樂欲生我國乃至十念若不生者不取正覺
高祖大師受之而詳勘別意本誓之元意云若我成
佛十方眾生稱我名號下至十聲若不生者不取正
覺彼佛今現在世成佛當知本誓重願不虛眾生稱

念必得往生也夫伏犧造八卦神農造五穀貨狄造
舟黃帝也維文造杵臼黃帝也蚩尤造兵炎帝也黃帝造冠
冕容成造曆黃帝也岐伯造醫黃帝也隸道造數黃帝也皋
陶造獄舜也耜仲造車伯益造井蒙恬造筆蔡倫造
紙吾彌陀世尊始造六八大願之巨舶普絕三學分
外之群類矣依之觀之者六合八極一切眾生往生
極樂於如來初成之時而決定之矣彌陀法王成等
正覺由異生即詣之理而尅果之矣行者添指自量
焉又吾祖大師大悲無罷再降誕而重細判曰
彼佛因中立弘誓
聞名念我總迎來

古加
師今依
古加
師今依

校訂重刊

淨土十勝論卷一

十二

此下凡
八行餘
旧本文
字稍有
析脫今
依集皆
補訂

定絕往生望然智慧者少愚癡者甚多若以多聞多
見而為本願少聞少見輩定絕往生望然多聞者少
少聞者甚多若以持戒持律而為本願破戒無戒人
定絕往生望然持戒者少破戒者甚多自餘諸行準
之應知當知以上諸行等而為本願則得往生者少
不往生者甚多然則彌陀如來法藏比丘之昔被催
平等慈悲普為攝於一切不以造像起塔等諸行為
往生本願唯以稱名念佛一行為其本願也云夫行
者等設雖無緣事緣理之誓心唯以本願仰賴之信
以為其要心設雖無六度十到之妙行只以持名稱

旧脫若
自等二
十三字
今依古
及論補
入

念之勤以為去行水月昇降決定顯現是則別願之
感應焉可思議乎又迦才淨土論釋欲勵二道修行
先可測量三學有無之義云觀經云若能至心念阿
彌陀佛一一念中滅八十億劫生死重罪今既約時
約根行者無定慧分者唯須專念阿彌陀佛求生淨
土此為要路也若自知有定慧分者則於此方修道
求無上菩提若自知無定慧分者則須修淨土行就
淨土中求無上菩提故智度論云行者求阿毗跋致
有二種道一者難行道二者易行道如水陸兩路此
方修道則難猶如陸路生淨土修道則易猶如水路

校訂重刊

淨土十勝論卷一

十四

旧脱明
等七字
今依疏
補入

也^上已又慧淨師阿彌陀經義述云一生彼土橫截五
道超出三界至不退轉當初僧祇萬劫修行十住毗
婆沙論云修道有二一難行二易行此土修道名曰
難行西方修道名曰易行如跛人步行陸路即苦跛
人乘船水路即樂^上已又大智律師觀經義疏云第二
攝教分齊有三初明二土立教純雜二辨大小漸頓
三簡了不了義初明二土立教純雜釋迦一化所說
經教大途有二一者娑婆入道教觀二者淨土往生
教觀初中娑婆五濁惑業重輕根性差別在機既雜
教亦不純故有大小殊科偏圓異轍經論宗師古今

旧脱生
字今補
入

判教互有不同迭相廢立廣在他文不可備叙^上已戒
度正觀記受之而曰問疏主區分兩土教法純雜有
異前古未聞達士無不適從小智尚生輕謂為有與
據為出臆裁試請申通永祛疑惑答造疏通經立言
判教苟無正量安敢師心非獨無功反貽伊戚但義
蘊群編名出今疏無文有義智者用之今為委陳庶
幾一悟故天台十疑論明自力他力自力者此土修
道率未得成他力者若信彌陀大悲願力攝取不捨
即得往生復引十住婆沙論難易二道云難行道者
在此五濁惡世無量佛所求菩提道是為甚難云易

校訂重刊

淨土十勝論卷一

十五

行道者謂信佛語修念佛三昧佛力攝持即得往生云準知自力難行道非此土入道教耶他力易行道非淨土入道教耶又如善導玄義專雜二修以分兩土進道不同瑛師修證議中乃有此方破惑證真求生西方淨土之說疏主深得佛意仰則先賢故茲高判獨拔古今可使四海咸規萬載不易也此又寶王論云十住婆沙論并龍樹菩薩造釋華嚴經論易行品云菩薩道有難行行如陸地乘舟也有易行行如水路乘舟也阿彌陀佛本願之力若人聞名稱念自歸彼國如舟得水又遇便風一舉千里不亦易哉此

此下凡十四行餘數箇助字同古互有同不然於文義無有相違因對舊古更今治定後賢知之

大凡二道高卑等具出西祖馬鳴龍樹東師鸞綽顓基等高判文繁故於是不載欲知者之而看焉如何難行非願故難行也如何非願自力故非願也如何自力式內故自力也如何式內難證故式內也如何難證聖道故難證也如何聖道斷證故聖道也如何斷證漸成故斷證也如何漸成非頓教故漸成也如何非頓教權教故非頓教也如何權教非本懷故權教也聖道聖道故難證難證故式內式內故自力自力故非願非願故難行也又如何易行本願故易行也如

校訂重刊

淨土十勝論卷一

十六

何本願他力故本願也如何他力格外故他力也如何格外易證故格外也如何易證往生故易證也如何往生頓攝故往生也如何頓攝頓教故頓攝也如何頓教實教故頓教也如何實教本懷故實教也實教故頓教頓教故頓攝頓攝故往生往生故易證易證故格外格外故他力他力故本願本願故易行也智人商量焉智人商量焉夫自力難行修者叵透徹覺城譬如望于一品經于及第太巨遂矣他力易行持者易往詣淨刹猶似任平一官受平廕官尤易得也一切信男信女等應早拋難得落第諸行修易得

受廕淨土而已請問之曰夫三學分外之得脫者是三部四軸往生之誠說也逆謗犯重之往生者乃五部九卷處處之定判也學者自知之矣抑於當今末法之時者羊鹿白牛已斃而飛輅獨運焉於渾濁造惡之世者一三法船忽沉而願船特渡焉行人豈容不欣慶之哉有識高智之道人等應當早出三學難行之域闢而入九品易行之妙門也夫以培瓠捨椽是自力泥滯之人廢乎淨教之謂乎玄莊疏云不附世情故大言不合於里耳也上又曇鸞論註云非常之言不入常人之耳上為樽樹樹乃宿善熏芳之彙

日脫人
字今依
古加

校訂重刊

淨土十勝箋節論卷上

十七

執乎真宗之謂乎經云曾覩見世尊則能信此事諫
敬聞奉行踊躍大歡喜比智人商量焉乎哉也余視
聽自力之行者多憂難得難證矣今教示曰夫畏影
惡迹者宜處陰處靜憂行歎難者當捨聖歸淨嗚呼
六賊知聞失此法財過乎愛毒虵煩惑千間無生難
期危乎累碁卵也行者可慎行者可慎抑八家大乘
學者雖生弘願流行之世而不唱彌陀尊號愁吟我
性難顯者譬如薜荔之臨達池而憂枯渴又似文武
之見明玉而歎夜闇可憫可憫又摩尼明月寶珠之
高卑兮梅檀沉水芬芳之淺深兮式內格外解脫之

構檢字
書未見
案舍利
講式云
愛結之
稱因檢
稱字又
不見或
云攀字
也和名
鈔云攀
有兩訓
在鷹阿
之乎在
犬岐豆
祭

勝劣兮斷證橫截出離之遲疾兮拔苦有道之智人
二道相對而可知其殿最矣夫以三密十來之鈍刀
未斬煩惑之繡六字一聲之利劍速碎業繫之鱗誰
智人可評之乎古云醫方萬品宜選對治海寶千般
先求如意若有求解脫之捷徑之人者速出乎三學
式內之聞域早入乎六字格外之妙門夫修聖道之
諸行猶如盪萬仞船筏乎大行之嶮路勤淨土之妙
業宛似飛一葉舟舶乎巨瀛波瀾矣然孰彙是慕獲
乎誰人亦大士也嗚呼為一簣之山而欲登九仞取
一捨之士欲歷千鈞不其難乎慎居慎諸諸方行者

校訂重刊

淨土十勝論卷一

十八

云病家之廚非無嘉饌也乃其人弗之能食故遂死
亂國之官非無賢人也乃其君弗之能用故遂亡也
唯願一切衆生急出岐路速趣直道行持名之大善
詣九品之淨刹焉祕藏寶鑰云疾有輕重藥則強弱
障有厚薄教則淺深增劫病輕輪王御入滅劫障厚
如來垂教五濁惡世衆生病重三毒鬱興八苦迫身
福德薄少貪病極多至此生作惡業後當墮三途三
途之苦經劫難免如來慈父見此極苦說其因果說
惡因果拔其極苦示善因果授其極果以上以之觀之
者化根利障輕之彙是淺教平導根鈍障重之輩乃

淨土十勝箋節論卷一

自下旧
有心字
衍有字
旧脱若
今依疏
補人

深法乎若爾者今此淨土之一宗者能濟五逆八重
之惡輩度三學分外之魯鈍可謂是最大深厚之洪
教也矣密行之人難曰夫經歷發心修行證得菩提
之階位是偏小權大漸教之次第也開演發心即到
初心即極之祕奧迺圓密實大頓行之妙益也大日
經云云何菩提謂如實知自心上同疏第一云若如
實自知即是初發心時便成正覺譬如長者家窮子
若自識父時豈復是客作賤人耶又云於發意頃
便至所詣上祕鍵云迷悟在我則發心即到上若於
發心之時則到菩提之果豈容遠待修行證果之時

校訂重刊

淨土十勝箋節論卷一

二十

乎若爾者聖道難行之過失唯在偏小權大之修行
全不關圓密實大之行人者哉何如答曰此義太早
也疎忽也夫智目行足到清涼地者是四依大聖之
決判也發菩提心修菩薩行者迺圓密二教之綱者
也設雖為圓密相應之頓機必應有聞信解行證之
次第也譬如神通之人不飛空中而踐地上必經其
里數也又如彼在世得度之人者皆聞經之處而得
四來之勝益雖然於一座聽法之中必經歷五位也
以何得知者觀一代諸經之會末有歡喜奉行之說
文故有當機獲益之一段也故如來滅後之行人亦

用脫不
應等十
四字今
依止觀
補入
此下三
處初旧
脫之今
補入

復然矣所以摩訶止觀大意五畧判發大心修大行
感大果裂大綱歸大處又圓人行位定聞信行住莊
嚴建立又摩訶止觀第五云復闕匠他盲跛師徒立
俱墮落瞽蹶夜遊甚可憐愍不應對上諸人說此止
觀夫止觀者高尚者高尚卑劣者卑劣把輔行第五
云盲跛等者無解如盲無行如跛師既若是弟子可
知故俱墮落至如盲跛相假能有遠至次瞽蹶者
無目曰瞽足跛曰蹶既盲且跛而復夜遊無解無行
失佛教曰遊無明夜至妙解行高尚者如前有信已
釋籤云今言盲而不跛如有行無解跛而不盲如有

校訂重刊

淨土十勝箋節論卷一

三十一

智旧作
知非

解無行若解行具足猶如二全此金剛般若云善男子善女人發阿耨多羅三藐三菩提心應如是住如是降伏其心此同註云阿之言無耨多羅之言上三之言正藐之言徧菩提之言知無者無諸垢染上者三界無能比正者正見也徧者一切智也智者知一切有情皆有佛性但能修行盡得成佛者即是無上清淨般若波羅蜜也是以一切善男子善女人若欲修行應知無上菩提道應知無上清淨般若波羅蜜多法以此降伏其心也此又云口說心不行即非口說心行即是心有能所即非心無能所即是此又

旧脱蜜
字今補
入
故下用
有勁二
字誤也
旧脱故
言等五
字又脱
即字今
依經補
入

云悟無生理息希望心遠離衆生顛倒知見即到波羅蜜彼岸永出三塗證無餘涅槃也此又云深解無相之理故善契佛意故佛言如是如是言是印可之辭也此又註金剛經云學人不解如來深意但誦如來所說教法不了本心不了本心終不成佛故言不可說口誦心不行即非法口誦心行了無所得即非非法此牟子曰如其無言五千何述焉若知而不言可也既不能知又不能言愚人也故能言不能行國之師也能行不能言國之用也能行能言國之寶也三品各有所施何德之賤乎唯不能言又不能行是

按訂重刊

淨土十勝論卷一

旧脱謂
字今補
入

謂賤也上已凡六卽七位之階級專是聞信解行證之
次第者哉又菩提心論云如人貪名官者發求名官
心修理名官行若貪財寶者發求財寶心作經營財
物行凡人欲爲善之與惡皆先標其心而後成其志
所以求菩提者發菩提心修菩提行至乃凡修習瑜伽
觀行人當須具修三密行證悟五相成身義也上已夫
案本論一部之始末上勸勝義行願三摩地三種菩
提心下教三密瑜伽五相成身之行證正是真言行
者因根究竟之次第而已但至所出難之衆文者或
是約有不起于座三摩地現前之頓機而發心已後

淨土十勝箋節論卷上

卽於一念一座之中頓具足聞信解行證之五位以
爲語矣超三祇乎一念攝萬行乎一善等是也或又
只歎菩提心之靈德矣所謂一足迷衢行失千里安
心僻越萬行徒設矣然今值生生難逢三密之大教
發世世難發無上之道心而妙了知信解六大四曼
之體相此之上於勤修毘盧之大行究竟遮那之境
智之遲速者宜在行者之進退故歎初發之功力以
云發心則到等也全不遮有修行證果之次第而已
或應是因中說果之意也所謂涅槃經二十七云善
男子譬如有人惡心害母害已生悔三業雖善是人

校訂重刊

淨土十勝箋節論卷上

二十三

旧脱於
字今加
見有旧
作有見
倒誤今
改正
旧脱是
故二字
今依經
加

故名_三地獄人也。何以故_二是人定當_レ墮_レ地獄故_二是人雖
無_レ地獄_レ陰界諸入_レ猶_レ故得名_レ為_レ地獄人_レ善男子是故
我於_レ諸經中說若見_レ有人修行善者名見_レ天人修行
惡者名見_レ地獄_レ何以故_二定受_レ報故_二善男子一切衆生
定得_レ阿耨多羅三藐三菩提故_二是故我說_レ一切衆生
悉有_レ佛性一切衆生真實_レ未有_レ三十二相八十種好
也凡道理成佛之法者必_レ經聞信解行證之五位矣
智人思擇焉抑又引_レ祕鍵發心即_レ到之文而備_レ不待
修行唯由_レ發心之功用直到_レ覺王城之誠證大迷解
釋之大猷以執_レ一句之文言而已今具_レ勘出文前後

淨土十勝論卷一

以撥_レ却_レ實徒之執弊焉祕鍵云夫佛法非遙_レ心中即
近真如非_レ外_レ弃身何求_レ迷悟在我則發心即_レ到明暗
非_レ他則信修忽_レ證也夫上云發心即_レ到下云信修忽
證是豈非_レ示發心修行證大菩提之次第哉學者著
眼看_レ取_レ文意矣凡於此文者全非_レ問者之援據正是
小子之誠證而已也抑今小子問君君已發得云何
菩提心如實知自心知一切法皆是佛法等圓密之
大菩提心故頻_レ旬而曰發心即_レ到與哉將又自未也
只立_レ其教理與耶若未也而言之者日夜數他寶自
無_レ半錢分之嚴誠奚得_レ遁耶若未發得圓密之大心

校訂重刊

淨土十勝論卷一

三十四

者速勸他力之要行矣。貴密行人服膺而耻慙焉。又或圓密行者難曰。夫案圓密兩宗之行相。或云無明塵勞卽是菩提。或言貪欲卽是道。恚癡亦復然。若依之觀之者。不動凡位。而當處卽果佛也。不假斷證。而直爾是覺體也。又判教道云。斷證道不斷者哉。若爾者。奚有難行難證之憂哉。答曰。有五悔修行之明文。有召罪摧罪之印明。豈非是止惡修善滅惑證理之義相耶。金剛頂經云。不見好色相者。卽是罪障。應以鈞罪障。契鈞彼諸罪。復以摧破諸罪。契而摧破之。又金剛頂經云。或有衆生深入邪見。不樂正法。耽著世

間資財飲食信。外道天神住。顛倒者。亦應勸進。入此金剛界壇場。爲欲拔彼邪見衆生。離惡趣。故已又攝真實經云。若凡夫人修此觀門。雖造五逆一闡提等惡業。悉皆消滅。應時便獲五種三昧。比大底登壇灌頂之儀。則矣。阿遮多擊之脫矣。皆是禁惡防非之慄懺斷惑證理之相。貌而已。高識密人。應知焉。又法華第一云。若人信歸佛如來。不欺誑。亦無貪嫉意。斷諸法中惡。故佛於十方。而獨無所畏。已同第五云。如來亦復如是。於三界中。爲大法王。以法教化一切衆生。見賢聖。軍與五陰魔。煩惱魔。死魔。共戰有大功勳。

旧脱自
字法字
今依經
加

旧脱汝
字今依
經加

滅三毒出三界破魔網爾時如來亦大歡喜此法華
經能令眾生至一切智上已註金剛經云滅度者大解
脫也大解脫者煩惱及習氣一切諸業障滅盡更無
有餘是名大解脫無量無數無邊眾生元各自有一
切煩惱貪嗔惡業若不斷除終不得解脫至乃一切迷
人悟得自性始知佛不見自相不有自智何曾度眾
生祇為凡夫不見自本心不識佛意執著諸法相不
達無為之理我人不除是名眾生若離此病實無眾
生得滅度者上已菩薩本業瓔珞經下佛母品云無明
藏與心為一為異至乃佛子汝先言無明心一者是事

旧故下
有以字
異下有
而字皆
衍

不然若解與無明諸見一相者應無縛解凡佛非二
所以者何煩惱同一體相故何以故而共一心生滅
一時不別不異故佛子若縛解一相者四大可為一
六味應不異而大異味異故縛解亦如是佛子一切
菩薩為凡夫時具足一切結縛而斷時麁分先去細
分後除若一心煩惱一者不應明闇有二佛子復以
近况遠凡夫善心中尚無不善何况無相心中而有
無明佛子而言善惡一心者是泐沙王國中外交道安
陀師偈明闇一相善惡一心佛子我法正義而可得
言善惡同一行者有縛有解有凡有佛相續百劫同

旧脱以字今加

一行者而不得善惡同一心古佛常說無相智火滅無明闇而善惡二別而言同一果者亦無是處一切善受佛果無明受有為生滅之果是故善果從善因生是故惡果從惡因生故名善不受生滅之果唯受常佛之果佛子若凡夫聖人一切善皆名無漏不受漏果而言受漏果者佛化衆生行善背惡故緣因而發有漏果報非為無漏因者無明業受果故是名三受三苦苦行苦壞苦苦受樂受捨受二受善緣因果受苦惡因果一切皆苦以無明為本上賢愚經第一云當以智慧利劍斷除汝等結使之病上凡廣勤

誠旧作說誤

圓密二宗經釋之誠文斷惑滅罪之教誠非一旦祕藏寶鑰云下從人天上至佛果皆是斷惡修善之所感得上亦吾祖師上人得圓密斷惑之大意而詳勤曰真言天台雖名是頓斷惑證理故猶是漸教也云若如實所言者不可胎藏金剛經軌之中正釋云盡乎三妄之迷倒而究竟四曼之內證亦不可本迹二門經釋之文現判曰斷五住之煩惑而證得二轉之高果也問曰粗聞其誠文何如答曰密教之誠證者如向往往出之也次至顯宗所談者三惑同斷之所判元品能治之解釋等是其誠證也學者自知焉

校訂重刊

淨土十勝論卷一

二十七

但至煩惱即菩提生死即涅槃等之文者是則語覺了上之照見味必語凡夫之行事也夫煩惱之與菩提其體雖無二由因人果上之不同其用大別也約覺後之照了而見之者其用悉菩提也約未悟之凡見而言之者其用皆迷法也譬如牛飲水而出乳汁虵服水而吐毒氣也金剛頂經云我實希有自性清淨以愛染故奉事如來雖有離染得清淨者能以染故而調伏之此註金剛經序云金在中山中山不知是寶寶亦不知是山何以故為無性故人則有性取其寶用得遇金師鑿鑿山破取鑛烹鍊遂成精金隨意

則誤作
即誤
舊脫即
字今依
本加

使用得免貧苦凶大身中佛性亦爾身喻世界人我喻山煩惱喻鑛佛性喻金智慧喻工匠精進勇猛喻鑿鑿身世界中有人我山人我山中有煩惱鑛煩惱鑛中有佛性寶佛性寶中有智慧工匠用智慧工匠鑿破人我山見煩惱鑛以覺悟火烹鍊見自金剛佛性了然明淨是故以金剛為喻因為之名也空解不行有名無體解義修行名體俱備不修即凡夫修即同聖者故名金剛也此又云妄念生則暗真智照則明明即煩惱不生暗則六塵競起此又金剛般若云若菩薩有我相人相眾生相壽者相即非菩薩也同

校訂重刊

淨土十勝論卷一

二十八

特誤今
依註改

舊脫也
字今依
註加

舊脫無
相二字
今依註
加

舊脫中
字今依
註加

註云衆生佛性本無有異緣有四相不入無餘涅槃
有四相卽是衆生無四相卽是佛迷卽佛是衆生悟
卽衆生是佛迷人恃有財寶學問族姓輕慢一切人
名我相雖行仁義禮智信而意高自頌不行普敬言
我解行仁義禮智信不合敬爾名人相好事歸己惡
事施於人名衆生相對境取捨分別名壽者相是謂
凡夫四相修行人亦有四相心有能所輕慢衆生名
我相自恃持戒輕破戒者名人相狀三途苦願生諸
天是衆生相心愛長年而勤修福業諸執不忘是壽
者相有四相卽是衆生無四相卽是佛也上又云卽

淨土十勝箋節論卷一

能行般若波羅蜜無相無著之行了無我人衆生壽
者四相無我者無色受想行識也無人者了四大不
實終歸地水火風也無衆生者無生滅心也無壽者
我身本無寧有壽者四相既亡卽法眼明徹不著有
無遠離二邊自心如來自悟自覺永離塵勞妄念自
然得福無邊上又金剛經云諸微塵如來說非微塵
是名微塵如來說世界非世界是名世界上同註云
如來說衆生性中妄念如三千大千世界中所有微
塵一切衆生被妄念微塵起滅不停遮蔽佛性不得
解脫若能念念真正修般若波羅蜜無著無相之行

校訂重刊

淨土十勝箋節論卷一

三十九

舊脫是名二字今依註加

舊脫此字今依論補入

了妄念塵勞即清淨法性妄念既無即非微塵是名微塵了真即妄了妄即真真妄俱泯無別有法故云是名微塵性中無塵勞即是佛世界心中有塵勞即是眾生世界了諸妄念空寂故云非世界證得如來法身普見塵利應用無方是名世界也又云我人頓盡妄想既除言下成佛也十住心論第一云知祕號者猶如鱗角迷自心者既似牛毛是故大慈說此無量來令人一切智若豎論則來來差別淺深橫觀則智智平等一味惡平等者未得為得不同為同善差別者分滿不二即離不謬迷之者以藥大命達之者

如是因作復然今依止改正

因藥得仙迷悟在已無執而到有疾菩薩迷方狂子不可不慎也眾文雷同明體用差殊之義智人思擇焉智人思擇焉抑智者大師豫挫今問者之邪執所謂摩訶止觀第二云無行經云貪欲即是道恚癡亦如是如是三法中具一切佛法若人離貪欲而更求菩提譬如天與地貪欲即菩提淨名云行於非道通達佛道一切眾生即菩提相不可復得即涅槃相不可復滅為增上慢者說離淫怒癡名為解脫無增上慢者說淫怒癡性即是解脫一切塵勞是如來種山海色味無二無別即觀諸惡不可思議理也至問上

徵舊作
徵誤今
依止改

三昧皆有勸修此何獨無答六蔽非道即解脫道
鈍根障重者聞已沉沒若更勸修失旨逾甚淮河之
北有行大乘空人無禁投蛇者今當說之其先師於
善法作觀經久不徹放心向惡法作觀獲少定心薄
生空解不識根緣不達佛意純將此法一向教他教
他既久或逢一兩得益者如虫食木偶得成字便以
爲證謂是事實餘爲妄語咲持戒修善者謂言非道
純教諸人遍造諸惡盲無眼者不別是非神根又鈍
煩惱復重聞其所說順其欲情皆信伏隨從放捨禁
戒無非不造罪積山岳遂令百姓忽之如草國王大

有旧置
周字上
倒誤今
依止觀
定正

旧脱減
字今依
止加

臣因滅佛法毒氣深入于今未改史記云周末有被
髮袒身不依禮度者遂大戎侵國不絕如繼周姬漸
盡文阮籍逸才蓬頭散帶後公卿子孫皆數之奴苟
相辱者方達自然擗節競持者呼爲田舍是爲司馬
氏滅相宇文邕毀廢亦由元嵩魔業此乃佛法滅之
妖怪亦是時代妖怪何關隨自意意何以故如此愚
人心無慧解信其本師又慕前達決謂是道又順情
爲易恣心取樂而不改迷譬如西施本有心病多喜
頻呻百媚皆得復益美麗隣女本醜而數其頻呻可
憎彌劇貪者遠徙富者杜門穴者深潛飛者高逝彼

校訂重刊

淨土十勝箋節論卷上

三十一

諸人等亦復似是狂狗逐雷造地獄業悲哉可傷既嗜欲樂不能自止猶如蒼蠅爲唾所黏浪行之過其事略爾其師過者不達根性不解佛意佛說貪欲卽是道者佛見機宜知一種衆生底下薄福決不能於善中修道若任其罪流轉無已令於貪欲修習止觀極不得止故作此說譬如父母見子得病不宜餘藥須黃龍湯鑿齒瀉之服已病愈佛亦如是說當其機快馬見鞭影卽致正路貪欲卽是道佛意如此若有衆生不宜於惡修止觀者佛說諸善名之爲道佛具二說汝今云何呵善就惡若其然者汝則勝佛公於

旧脱而
字今依
止加

佛前灼然違反復次時節難起王事所拘不得修善令於惡中而習止觀汝今無難無拘何意純用乳藥毒他慧命至破壞佛法損失威光悞累衆生大惡知識不得佛意其過如是復次夷嶮兩路皆有能通爲難從嶮善惡俱通審機入蔽汝棄善專惡能通達非道何不躡躡水火穿踰山壁世間嶮路尚不能通何況行惡而會正道豈可得乎至復次檢其惡行事偏邪汝謂貪欲卽是道陵一切女而不能嗔恚卽是道害一切男唯愛細滑觸是道畏於打拍苦澁觸則無有道行一不行一有道一無道癡闇如漆偏行

汚損譬如死屍穢好花園云難其偏行如前或將水火刀杖向之其即默然或答曰而汝不見我常能入此乃違心無慙愧語亦不得六即之意所以須說此者上三行法勸策難宜須勸修隨自意和光入惡一往則易宜須誠忌如服大黃湯應備白飯而補止之已輔行受之曰淮河下明師有自行之失淮河北邪空之人濫稱大乘入惡無觀故以無禁捉蛇喻之禁者制也術法制物故也貪欲如蛇觀法如禁以觀觀欲如捉蛇不善四句如無禁到佛但言欲如火如蛇如毒至今無觀法人惡亦爾言惡不障反為惡害

若以妙觀杖入六塵林遇貪欲蛇按四運頭以觀捉項不令毒害至成身業失於清淨常住法身彼阿黎者無正觀杖而但說於貪欲不障義稍欲同故借喻此已往生要集上云問煩惱菩提若一體者唯應任意起惑業耶答生如是解名之為惡取空者專非佛弟子今反質云汝若煩惱即菩提故欣起煩惱惡業亦應生死即涅槃故欣受生死猛苦何故於刹那苦果猶狀難堪於永劫苦因者欣自恣作是故當知煩惱菩提體雖是一時用異故染淨不同如水與冰亦如種菓其體是一隨時用異由此修道者顯本有佛

是旧作
此今依
集改

性不修道者終無顯理如涅槃經三十二云善男子
若有人問是種子中有果無果耶應定答言亦有亦
無何以故離子之外不能生果是故名有子未出芽
是故名無以是義故亦有亦無所以者何時節有異
其體是一衆生佛性亦復如是若言衆生中有佛性
者是義不然何以故衆生即佛性佛性即衆生直以
時異有淨不淨善男子若有問言是子能生果不是
果能生子不應定答言亦生不生也又同中云今加
三通治一能了惑起驚覺其心呵責煩惱如駟惡賊
防護三業如擎油鉢如六波羅蜜經云結加趺坐正

責旧作
噴今依
集改

僻旧作
僻今依
集改
旧脱視
字今依
集加

念觀察以大悲心而為屋宅智慧為鼓以覺悟杖而
扣擊之告諸煩惱汝等當知諸煩惱賊從妄想生我
法王家有善事起非汝所為汝宜速出若不時出當
斷汝命如是告已諸煩惱賊尋自散滅次於自身善
起防護不應放逸又菩薩處胎經偈云如彼犯罪人
擎持滿鉢油若棄油一滴罪交入大僻左右作伎樂
懼死不顧視菩薩修淨觀執意如金剛毀譽及惱亂
心意不傾動解空本來淨無彼此中間二通用四句
推求一切煩惱根源謂此煩惱為由心生為由緣生
為共生為離生若由心生者更不待緣或於龜毛兔

校訂重刊

卷上

三十四

應下旧
有常字
衍

角應生貪瞋若由緣生者應不用心或冷眠人生煩惱若共生者未共各無共時安有譬如二沙雖合無油或心境俱合那有不生煩惱時若離生者既離心離緣那忽生煩惱或虛空離二應生煩惱種種觀察既無實生無所從來亦無所去非內非外亦非中間都無處所皆如幻有非唯惑心觀心亦爾如是推求惑心自滅故心地觀經偈云如是心法本非有凡夫執迷謂非無若能觀心體性空惑障不生便解脫又中論第一偈云諸法不自生亦不從他生不共不無因是故知無生應依此偈用多四句三者應念今我

水與水
旧作水
與水今
依集改

惑心具足八萬四千塵勞門被彌陀佛具足八萬四千波羅蜜門本來空寂一體無礙貪欲即是道患癡亦如是如水與水性非異處故經云煩惱菩提體無二生死涅槃非異處云我今未有智火分故不能解煩惱水成功德水願佛哀愍我如其所得法定慧力莊嚴以此令解脫如是念已舉聲念佛而請救護如止觀云如人引重自力不前假傍救助則蒙輕舉行人亦爾心弱不能排障稱名請護惡緣不能壞上若惑覆心不令欲修通別對治須知其意常為心師不師於心又云先應發大來實智知生死由來如大圓

覺經偈云一切諸衆生無始幻無明皆從諸如來圓
覺心建立當知生死即涅槃煩惱即菩提圓融無礙
無二無別而由一念妄心入生死界來無明病所盲
久忘本覺道但諸法從本來常寂滅相如幻無定
性隨心而轉變是故應佛子念三寶翻邪歸正然佛
是醫王法是良藥僧瞻病人除無明病開正見眼示
本覺道引接淨土無如佛法僧也又妙行心要集上
云煩惱即菩提可有五義一者二名相即謂無煩惱
名無菩提名一實唯心假立二名如石女子論黑白
也二者轉變相即謂迷即煩惱悟即菩提準冰水可

淨土十勝箋節論卷上

摺古作階

國界經案今文不見若取意文

知之三者二體相即謂六道煩惱四聖菩提於一心
中體全不二等如一珠中有水火性也四者相資相
即謂煩惱菩提互無妨礙如猪捐金山等也五者假
實相即謂賴耶藏識染淨和合等如一冰上有寒水
分也五義共詮一心真如耳生死即涅槃亦可如是
此解釋炳焉莫生致迷矣又煩惱即菩提者大般若若
能斷金剛分所說三句法門之意也依夫三句法門
而觀之者應曰煩惱即菩提言煩惱者即非煩惱是
故名煩惱云守護國界經云有煩惱之緣菩提所謂
絕離著相憍慢也云又法華云如來如實知見三界

校訂重刊

淨土十勝箋節論卷上

三十六

舊古俱無勁字檢經文死下有二十字故今用舊字到字舊古脫是字今依經加字今依依非今定旧作文非今註改

之相無有生死至乃不知三界見於三界如斯之事如來明見無有錯謬云云是亦第三句之意也或又煩惱即菩提者約性惡以為語全非修惡也云云請問之曰三句者金剛般若云如來說一切法皆是佛法須菩提所說一切法者即非一切法是故名一切法上六祖能大師諺之曰能於諸法心無取捨亦無能所熾然建立一切法而心常空寂故知一切法皆是佛法恐迷者貪著一切法以為佛法為遣此病故言即非一切法心無能所寂而常照定慧齊行體用一致是故名一切法上又同經云所言善法者如來說非善

旧脱即字今依註加

法是名善法上同註云修一切善法希望果報即非善法六度萬行熾然俱作心不望報是名善法上又同經曰如來說諸相具足即非具足是名諸相具足上同註云如來者即無相法身是也非肉眼所見慧眼乃能見之慧眼未明具足生我人等相以觀三十二相為如來者即不名為具足也慧眼明徹我人等相不生正智光明常照是名諸相具足三毒未泯言見如來真身者固無此理縱能見者祇是化身非真實無相之法身上也夫金剛般若一部始終皆說如此三句法門以遣撥一切眾生之迷執學者勿致迷

校訂重刊

淨土十勝論卷上

三十七

大疑天
誤
成古亦
同案應
作實字

矣抑仁者正是居第一句之域內然而又頻旬出第
三句之方外若夫大妄語與若又增上慢與二俱不
足言而已於怖哉三逆大授之再來乎四禪苾芻之
未死乎其如何可慎可慎且依應理圓成宗而言之
者智純觀達煩惱即息是名為寂煩惱為寂妙智爰
顯言即菩提全非謂煩惱體即菩提此義大異性宗
所明惑智一體之義矣若又依之觀之者難者所存
彌墮邪見之深坑而已次言教道云斷證道不斷者
凡於斷道之次第大分有二一曰對治斷二曰體達
斷對治斷者是偏三行者之所用也所謂實斷破煩

用疑明
誤

惱之迷闇以耀智慧之光用也體達斷者迺圓頓行
人之所用也所謂體達迷悟相即智惑體一而不失
煩惑之體性焉然則言圓融實教之意是體達斷而
非對治斷而言教道云斷證道不斷也學者莫混淆
矣問者聞之忽翻邪向正耳抑若復有人捨乎念佛
而不勤修如貪人忘衣裏之明珠力士忘額上之寶
珠乎若又有人歸乎本願而持尊號似窮女得最上
之勝金渴者值清淨之冷水矣行者自量焉又致聖
道修行之人如來無輟之車而去矣求淨土往生之
彙似來牢副之輅而往焉二車運轉之優劣其何如

也問曰縱雖三學無分之衆生若持六字尊號之妙
行必超乎苦海之愛波速至乎樂邦之彼岸諦聽其
義理諦聽其文證矣於行體者最然也但若默欣之
用心若起行之意業自匪若夫禹王治洪波之思燕
丹得白鷗之志者不得往生者我等庸輩散漫濁亂
之異生定絕西方即詣之厭者與何如答曰夫持名
行者二種之用心縱雖似如君子之交相似而不醇
直求西利捨餘九域獨勤稱名不涉萬行者籠鳥騰
空之時拜聖衆來迎之靈粧胞胎逃逝之刻聞簫瑟
琴筑之音樂必也矣仁者不聞乎彼裴旻逢眞虎葉

公感眞龍是其二子便行假而得眞之彙也若爾者
行者等莫泥用心之淺薄而疑順次之往生矣若有
修道之人而欲捨念佛勤餘行奚異以金鑠易鋤鐵
以錦欄易甍楬哉智人自可商量焉噫乎夷齊之大
賢也猶爲獄卒之所打矣孟烏之風走也又爲阿防
之所追焉夫尊號利劍可截十纏之太索矣念佛洪
波可洗七支之塵垢矣南無阿彌陀佛

淨土十勝箋節論卷上


乾上終

校訂重刊 淨土十勝箋論卷上 三十九止

淨土十勝論卷上
一、淨土之勝
二、淨土之樂
三、淨土之安
四、淨土之樂
五、淨土之樂
六、淨土之樂
七、淨土之樂
八、淨土之樂
九、淨土之樂
十、淨土之樂



『浄土十勝箋節論』卷上・乾上



(大正大学総合佛教研究所所蔵) 2026年3月15日

